

Bosna i Hercegovina
Federacija Bosne i Hercegovine
KANTON SARAJEVO
Ministarstvo kulture i sporta



Босна и Херцеговина
Федерација Босне и Херцеговине
КАНТОН САРАЈЕВО
Министарство културе и спорта

Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports

Broj: 12/01-04-16407/21
Sarajevo, 16.04.2021. godine

VLADA KANTONA

n/r Šabaredžović-Klačar Mersiha
Sekretar Vlade
(Ovdje)

SKUPŠTINA KANTONA

n/r Elvedin Okerić
Predsjedavajući Skupštine
(Ovdje)

Zastupnik Damir Nikšić na 34. Radnoj sjednici Skupštine Kantona Sarajevo, održanoj dana 07.04.2021. godine, u okviru tačke Dnevnog reda „Poslanička/zastupnička pitanja, inicijative i odgovori“, uputio je zastupničku inicijativu Vladi Kantona Sarajevo i Ministarstvu kulture i sporta Kantona Sarajevo, koja glasi:

"Upućujem inicijativu da u najkraćem roku pokrenu formiranje Muzeja Holokausta u Sarajevu."

Prilog: Zastupnička Inicijativa zastupnika Damira Nikšića

Odgovor na zastupničku Inicijativu:

Pravni osnov za donošenje Odluke o osnivanju Javne ustanove (Muzeja) sadržan je u članu 12. stav 1. tačka c. i člana 18. stav 1. tačka b. Ustava Kantona Sarajevo ("Službene novine Kantona Sarajevo", br. 1/96, 2/96-Ispravka, 3/96-Ispravka, 16/97, 14/00, 4/01 i 28/04), članu 2. 3. i 6. Zakona o ustanovama („Službeni list RBiH“, br. 6/92, 8/93 i 13/94), čl. 15.,16. i 17. Zakona o muzejskoj djelatnosti ("Službene novine Kantona Sarajevo", broj 13/17) i Pravilniku o uslovima za osnivanje i rad muzeja, muzejskih zbirki, muzejskih izložbi i galerija („Službene novine Kantona Sarajevo“, broj: 1/19).

Odredbama člana 12. stav 1. tačka c) Ustava Kantona Sarajevo određeno je da je isključiva nadležnost Kantona Sarajevo "utvrđivanje i provođenje kulturne politike", a odredbama 18. stav 1. tačka b) Ustava da "Skupština Kantona donosi zakone i druge propise u okviru izvršavanja nadležnosti Kantona, izuzev propisa koji su ovim ustavom ili zakonom dati u nadležnost Vlade Kantona."

Odredbama člana 6. Zakona o ustanovama ("Službeni list RbiH", br. 6/92, 8/93 i 13/94), "Osnivač donosi akt o osnivanju ustanove.



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1



01
1534
PB-55

Akt o osnivanju ustanove sadrži:

- naziv osnivača,
- naziv i sjedište ustanove,
- djelatnost ustanove,
- iznos sredstava za osnivanje i početak rada ustanove i način njihovog obezbjeđivanja,
- izvore i način obezbjeđivanja sredstava za rad ustanove,
- međusobna prava i obaveze između osnivača i ustanove,
- način raspolaganja viškom prihoda nad rashodima i način na koji se pokriva višak rashoda nad приходima,
- prava, obaveze i odgovornosti ustanove u pravnom prometu;
- lice koje će do imenovanja organa rukovođenja predstavljati i zastupati ustanovu i njegova ovlaštenja i odgovornosti,
- rok za donošenje pravila ustanove, imenovanje organa upravljanja i rukovođenja ustanove,
- druga pitanja od značaja za rad ustanove.

Odredbama člana 15. Zakona o muzejskoj djelatnosti određeno je da se "Muzej osniva kao ustanova za obavljanje muzejske djelatnosti u svim oblicima svojine", a odredbama člana 16. Zakona da se "Muzej može osnovati i početi sa radom ako je obezbijeden odgovarajući muzejski materijal, prostorije i oprema za obavljanje muzejske djelatnosti, potreban broj stručnih muzejskih radnika i sredstva za osnivanje i početak rada muzeja. Uslove iz stava 1. ovog člana utvrđuje kantonalni ministar nadležan za poslove kulture (u daljem tekstu: ministar). Kontrolu ispunjenosti uslova za osnivanje i početak rada muzeja vrši stručna komisija od tri člana koju formira Ministarstvo iz reda stručnih lica za muzejsku djelatnost. Rješenje o ispunjavanju uslova za osnivanje i početak rada muzeja, muzejskih zbirki, muzejskih izložbi i galerija donosi ministar na prijedlog stručne komisije.

Muzeji moraju ispuniti uslove iz Pravilnika o normativima i standardima za muzejsku djelatnost („Službene novine Kantona Sarajevo“, broj: 1/19) najkasnije u roku od pet godina od dana početka obavljanja djelatnosti.

Elaborat o društveno-ekonomskoj opravdanosti osnivanja Muzeja sastavni je dio Odluke o utvrđivanju javnog interesa za osnivanje javne ustanove. U Elaboratu treba da se detaljno razrade svi bitni elementi za osnivanje javne ustanove i to:

- status javne ustanove (jedan ili više osnivača),
- javni interes za osnivanje posebne javne ustanove,
- objekti - nekretnine,
- neophodni stručni kadrovi, organi rukovođenja, upravljanja, nadzora, zaposlenici
- potrebna oprema,
- potrebna finansijska sredstva za osnivanje i početak rada Javne ustanove i
- neophodna sredstva za otvaranje Muzeja za građane i turiste.



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1



Odluku o utvrđivanju postojanja javnog interesa i Elaborat o društveno-ekonomskoj opravdanosti osnivanja usvaja Skupština Kantona, te se nakon usvajanja Elaborata može pristupiti donošenju osnivačkog akta.

Svi pobrojani uslovi za osnivanje muzeja trebaju prethodno biti ispunjeni, uključujući obezbijedena realna sredstva za tu svrhu u Budžetu.

Nažalost, i do sada osnovani Muzeji (u svojini Države) na području Kantona Sarajevo su ugroženi zbog nebrige i neodgovornog ponašanja države Bosne i Hercegovine koja im je osnivač, a svi muzeji (uključujući i one kojima je osnivač Kanton Sarajevo) na području Sarajeva generalno imaju velikih problema sa platama, materijalnim troškovima za rad, kadrovskom popunjenošću, opremom i svom drugom muzejskom problematikom (konzervacije, preparatori, održavanje uslova za muzejsku građu), jer više od godinu dana ne mogu da rade za građane, turiste, školske posjete i ekskurzije zbog problema sa pandemijom.

Pripremio: Dragan Vujmilović,
Sekretar MKS KS

S poštovanjem,

MINISTAR

Dostavljeno:

1. Naslov (1. i 2.)
2. Zastupnik Damir Nikšić
3. a/a



web: <http://mks.ks.gov.ba>
e-mail: mks@mks.ks.gov.ba
Tel/fax: + 387 (0) 33 562-062
Sarajevo, Reisa Džemaludina Čauševića 1



1980
PB-21

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-04-16407-21/21
Sarajevo, 08.04.2021. godine

VLADA KANTONA SARAJEVO

MINISTARSTVO KULTURE I SPORTA


PREDMET: Zastupnička inicijativa, dostavlja se -

Zastupnik Damir Nikšić na 34. Radnoj sjednici Skupštine Kantona Sarajevo, održanoj dana 07.04.2021.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 213. Poslovnika Skupštine Kantona Sarajevo pokrenuo je **zastupničku inicijativu**, koju vam u prilogu dostavljamo.

Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst, broj: 41/12, 15/13, 47/13, 47/15, 48/16, 9/20 i 14/20) u pisanom obliku, obavijestite Skupštinu o učinjenom.

Prilog: Zastupnička inicijativa

CO:
-sekretar SKS
-sekretar Vlade Kantona



PREDSJEDAVAJUĆI
SKUPŠTINE KANTONA SARAJEVO

Elvedin Okerić

Pripremila: Jasminka Deliahmetović
Kontrolisala: Amela Smailagić-Čamdžić



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax:+ 387 (0) 33 562-210
Sarajevo, Reisa Džemaludina Čauševića 1



Bosna i Hercegovina
Federacije Bosne i Hercegovine
Kanton Sarajevo
Skupština Kantona Sarajevo
n/r g. Elvedin Okerić, Predsjedavajući Skupštine
n/r g. Samir Avdić, Ministarstvo kulture i sporta KS
n/r Vlada Kantona Sarajevo
n/r Skupština Kantona Sarajevo

Predmet: INICIJATIVA

34. Radna sjednica Skupštine Kantona Sarajevo

Poštovani,

u skladu sa Članom 106. i 213. Poslovnika Skupštine Kantona Sarajevo ("Službene novine Kantona Sarajevo" broj: 41/12 – Drugi novi prečišćeni tekst, 15/13, 47/13, 47/15, 48/16, 9/20 i 14/20), Vladi Kantona Sarajevo odnosno Ministarstvu kulture i sporta Kantona Sarajevo **upućujem inicijativu da u najkraćem roku pokrenu formiranje Muzeja Holokausta u Sarajevu.**

OBRAZLOZENJE:

Tvrđava Vraca je u Drugom svjetskom ratu bila mjesto na kojem su pogubljeni mnogi građani Sarajeva. Tri godine prije Olimpijade, 1981. godine, objekat je pretvoren u historijsko-memorijalni kompleks sa imenima 9.091 žrtve direktnog fašističkog terora u Sarajevu od kojih je 8.776 Jevreja. Spomen-park Vraca je vezan za Historijski muzej (bivši Muzej revolucije), za prošlost Sarajeva, za 6. april., dotiče temu Holokausta, no iako predstavlja idealan prostor za Muzej Holokausta, on to ipak nije.

Historijski muzej, bivši Muzej revolucije koji je u svojoj stalnoj postavci, između ostalog, prikazivao i stradanja Jevreja u Sarajevu za vrijeme Drugog svjetskog rata, trenutno je u svojstvu "Muzeja opsade Sarajeva" sa zbirkom eksponata iz posljednjeg rata i sobom posvećenom Dejtonskom mirovnom sporazumu, dok je u podrumu improvizovana postavka koja se bavi NOP i partizanskim oružanim otporom.

Stari Hram kojeg je Jevrejska opština poklonila gradu Sarajevu sada je Muzej Jevreja u sklopu kantonalne Javne ustanove Muzeji Sarajevo. U njemu postoji dio posvećen stradanju Jevreja u Drugom svjetskom ratu, dio koji je nesrazmjerno mali u poređenju sa tragedijom koja je pogodila ovu zajednicu u Sarajevu u tom periodu.

Veliki hram koji je Jevrejska opština, pored mnogih drugih prostora nakon Drugog svjetskog rata poklonila gradu sada je Bosanski Kulturni Centar. On raspolaže jednom manjom prodavnicom u kojoj se mogu kupiti predmeti vezani za Jevrejsku istoriju grada, no i dalje ne postoji mjesto u kojem današnja omladina ima priliku, koju smo mi nekoć imali, suočiti se sa dokumentima o stravičnim zlodjelima zvjerskog režima u sumraku historije ovog grada.

Građani i posjetioци Sarajeva nemaju gdje vidjeti fotografije Jasenovca, nemaju gdje, u adekvatnom, specijalizovanom muzejskom kontekstu i ambijentu vidjeti zlodjela i zločine nacističke ideologije jer u Sarajevu ne postoji Muzej Holokausta koji bi svjedočio i učio historijskoj činjenici da je 8.776 Sarajki i Sarajlija, žena, muškaraca, djece i staraca, sistemski, organizovano izdvojeno, odvedeno i ubijeno samo radi toga što su bili Jevreji.

Jevrejska opština je poklonila mnoge prostore gradu Sarajevu, prostore kojima trenutno upravlja Kanton Sarajevo. Mnogi od njih su bili sakralni objekti koji danas imaju sekularnu namjenu. Kanton Sarajevo bi mogao i trebao pokloniti građanima Sarajeva jedan uređen prostor Muzeja Holokausta i u njega premjestiti svu originalnu dokumentaciju (ili digitalne kopije) vezanu za stradanje sarajevskih Jevreja u Drugom

svjetskom ratu: sve fotografije, filmove, slajdove, eksponate, službene i privatne prepiske (ili digitalne kopije) koje su trenutno u posjedu javnih ustanova Kantona Sarajevo, ali i Historijskog muzeja. Kanton Sarajevo bi mogao i morao u najkraćem vremenskom periodu, sa najvećim mogućim entuzijazmom i dobrom voljom građana i svih učesnika ovog projekta, formirati kolekciju budućeg Muzeja Holokausta. Vlada Kantona Sarajevo i resorno ministarstvo bi iskomunicirali i pozvali sve stare Sarajke i Sarajlije da se okupe oko ovog projekta, da se uključe i učestvuju u prikupljanju kolekcije svedočanstava i dokumenata za sarajevski Muzej Holokausta.

Za sve oštećene, nestale i zagubljene eksponate javnih ustanova za koje je nadležan Kanton Sarajevo mora se insistirati na pismenim izvještajima apelujući da se isto uradi i na državnom nivou u slučaju kolekcije Historijskog muzeja, tj. bivšeg Muzeja revolucije.

Sarajevo, 07.04.2021. godine

Samostalni zastupnik u Skupštini KS

Damir Nikšić